

nostro dolebant, modestia tua magis, ac moderatione summa, quam tanta, qua splendes, potestate, tueri fortiter, ac suaviter, non exigua opera, procurasti. Et insuper, quia brevissima sunt opera Minimi ex Conterraneis tuis; quos omnes ut vides pro Republica, pro Religione, pro Patria, die noctuque labores suscipere, illico eos omnes in tuam suscipis fidem, illisque vires addis, ut fortia quæque, ad commune bonum, aggrediantur.

Quis ergo nos arguat, si literarium pro natione nostra bellum suscepturi, sub alienis auspiciis militare, inopportunum, sub tuis autem, REGENS SAPIENTISSIME, justissimum judicavimus? Tu enim, quis hominum ignorat? commune solum nativitate exornasti, virtute decoras, dignitate vero quam maxime illustras. Et sicut,
Te